



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 412
fax. +387 33 726 423
e – mail: info@voda.ba

Broj: **UP-1/21-1-40-536-10/22**

Datum: **30.03.2023. god.**

„Agencija za vodno područje rijeke Save“ Sarajevo rješavajući po zahtjevu pravnog lica «SISECAM SODA LUKAVAC» d.o.o. Lukavac za sanaciju nasipa postojećih taložnica „Bijelo more“ (taložnice I, II i III), izgrađenih u općini Lukavac, na osnovu člana 109. stav (1) tačka 11. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“ broj 2/98, 48/99 i 61/22), **donosi**

RJEŠENJE **o prethodnoj vodnoj saglasnosti**

1. Pravnom licu, «SISECAM SODA LUKAVAC» d.o.o. Lukavac, daje se prethodna vodna saglasnost za sanaciju nasipa postojećih taložnica „Bijelo more“ (taložnice I, II i III), izgrađenih u općini Lukavac, a u postupku pribavljanja urbanističke saglasnosti.
2. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja, u kojem roku se podnosilac zahtjeva treba obratiti za izdavanje vodne saglasnosti.
3. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod slijedećim uslovima:
 - 3.1. Izraditi dokumentaciju za građenje koja treba biti urađena i revidovana od strane pravnih lica koji imaju ovlaštenje (lista «A»), pribavljeno od strane Federalnog ministarstva poljoprivrede, vodoprivrede i šumarstva, a sve u skladu sa članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22).
 - 3.2. Projektnom dokumentacijom treba dati rješenje sanaciju nasipa postojećih taložnica „Bijelo more“ (taložnice I, II i III), izgrađenih u općini Lukavac a kroz projekat zadovoljiti slijedeće uslove:
 - Tehnički opis rješenja, uz obrazloženje rješenja i pojašnjenje efekata sanacije kosina nasipa, predmjer radova i odgovarajuće grafičke priloge uobičajene za nivo projekta za građenje;
 - Proračun količina i sastava otpadnih voda (procjednih voda iz tijela taložnice i oborinskih voda) sa relevantnim parametrima potrebnim za projektovanje sistema za prikupljanje, tretman i ispuštanje otpadnih voda;
 - Tehničko rješenje za izgradnju drenažnog sistema za prikupljanje procjednih voda sa prostora taložnica te načinom prečišćavanja i mjestom ispusta prečišćenih voda u okoliš;
 - Predvidjeti formiranje drenažnog sistema kojim bi se prikupile procjedne vode iz tijela nasipa, a predviđenu drenažu je potrebno zaštititi geotestilom;
 - Tehničko rješenje izgradnje sistema za sprečavanje prodora okolnih površinskih voda u tijela taložnica (obodni kanali) sa definisanim načinom i mjestom ispuštanja prikupljenih oborinskih voda u utvrđeni recipijent uz odgovarajuće osiguranje istog;
 - Da osovina krune saniranih nasipa prati trasu postojećeg nasipa;
 - Da se na bazi rezultata geotehničkih istražnih radova provedu stabilitetne analize nasipa, definiše geometrijski oblik nasipa tako da se osigura njegova stabilnost i detaljno opišu tehnologije izvođenja radova na sanaciji postojećih nasipa taložnica „Bijelo more“ (taložnice I, II i III);
 - Pri analizi opterećenja uzeti u obzir i opterećenje od saobraćaja sa ograničenim osovinskim opterećenjem na 6t;
 - Da se dinamika izvođenja radova sanacije nasipa postojećih taložnica „Bijelo more“ (taložnice I, II i III) uskladi sa dinamikom izvođenja Uređenje korita rijeke Spreče u Lukavcu na potezu od izvedenog dijela do ušća Jale kako bi se izbjegle kolizije;
 - Zahvati na sanaciji nasipa postojećih taložnica „Bijelo more“ (taložnice I, II i III) moraju uvažiti postojeće imovinsko - pravne odnose i radove svesti u pojas kojim će se najmanje narušiti izgrađeni i planirani objekti (dalekovod, saobraćajna petlja, uređenje desne obale rijeke Spreče na

- potezu od izvedenog dijela do ušća Jale), privatni posjedi i parcele;
- Projektnom dokumentacijom sagledati sve moguće neželjene uticaje planirane sanaciji nasipa postojećih taložnica „Bijelo more“ (taložnice I, II i III) na izgrađene objekte i postrojenja, stečena prava korisnika, postojeću infrastrukturu, naselja i sl. te dati prijedlog mjera za uklanjanje odnosno sprečavanje tih uticaja;
 - Projektna dokumentacija treba da bude urađena na zakonski zahtijevanom nivou za izvođenje radova i da sadrži potrebne analize i proračune, tehnički opis i uslove izvođenja, nacрте, te predmjer radova.
4. Po izradi dokumentacije iz tačke 3. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata.
- Uz zahtjev se prilaže:
- 4.1. Revidovan glavni projekat izrađen u skladu sa uslovima iz dispozitiva ovog rješenja;
 - 4.2. Kopija rješenja o upisu u sudski registar i identifikacioni broj;
 - 4.3. Kopija uvjerenja o poreznoj registraciji;
 - 4.4. Rješenje o urbanističkoj saglasnosti za sanaciju nasipa postojećih taložnica „Bijelo more“ (taložnice I, II i III) .
5. Ovu prethodnu vodnu saglasnost podnosilac zahtjeva će koristiti u postupku dobijanja urbanističke saglasnosti i ona definiše sve uslove koji se trebaju ispuniti sa aspekta voda u skladu sa Zakonom o vodama.
6. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, potrebno je navesti te okolnosti u zahtjevu za izdavanje vodne saglasnosti.

O b r a z l o ž e n j e

Pravno lice, «SISECAM SODA LUKAVAC» d.o.o. Lukavac zahtjevom broj: 3001/22 od 15.08.2022. godine obratilo se ovoj Agenciji za izdavanje prethodne vodne saglasnosti za sanaciju nasipa postojećih taložnica „Bijelo more“ (taložnice I, II i III), izgrađenih u općini Lukavac, a u postupku pribavljanja urbanističke saglasnosti.

A-opšta dokumentacija:

Uz zahtjev je dostavljena i pregledana slijedeća dokumentacija:

- Aktuelni izvod iz sudskog registra matični broj subjekta: 1-13849 od 07.06.2022. godine izdato od strane Općinskog suda u Tuzli - ovjerena kopija,
- Uvjerenje o poreznoj registraciji od 06.02.2013. godine izdato od strane Kantonalnog ureda Tuzla-ovjerena kopija,
- Zemljišnoknjižni izvadak Br. zk. uložka 1711 broj: 126-0-NAR-22-002963 od 30.08.2022 godine, Katastarska opština Lukavac izdat od strane Općinskog suda u Lukavcu – ovjerena kopija,
- Posjedovni list broj 4128 broj 05-26-1-2288/22-2 od 29.06.2022 godine izdat od strane Službe za geodeske i imovinsko-pravne poslove, Grad Lukavac,
- Kopija katastarskog plana broj plana 42 UR broj: 05-26-1-2288/2022-3 od 29.06.2022 godine izdata od strane Službe za urbanizaciju, imovinske i geodeske poslove, Grad Lukavac,
- Mišljenje broj: 05-19-3828/22 od 01.09.2022 godine izdato od strane Službe za urbanizaciju, imovinske i geodeske poslove, Grad Lukavac,
- Uvjerenje broj: 05-19-3828/22 od 01.09.2022 godine godine izdato od strane Službe za urbanizaciju, imovinske i geodeske poslove, Grad Lukavac,
- Zahtjev za izdavanje urbanističke saglasnosti za sanaciju nasipa postojećih taložnica „Bijelo more“ (taložnice I, II i III), upućen Federalnom ministarstvu prostornog uređenja od strane «SISECAM SODA LUKAVAC» d.o.o. Lukavac,
- Obavijest o dopuni zahtjeva broj UPI/03-19-2-597/22 od 18.07.2022 godine od strane Federalnom ministarstvu prostornog uređenja,
- Rješenje za urbanističku saglasnost za uređaj za prečišćavanje otpadnih voda Bijelo more, broj 06-364-327 od 23.05.1978 godine izdato od strane Rpubličkog sekretarijata za urbanizam, stambene i komunalne poslove Sarajevo,

- Rješenje o odobrenju za građenje za izgradnju uređaja za prečišćavanje otpadnih voda Bijelo more broj: 06/2-361-382/78ć od 05.09.1978 godine izdato od strane Rpubličkog sekretarijata za urbanizam, stambene i komunalne poslove Sarajevo,
- Rješenje o vodnoj dozvoli broj UP-I/21-3-40-637-11/18 od 05.07.2019 godine izdato od strane „Agencije za vodno područje rijeke Save“ Sarajevo,
- Rješenje o okolinskoj dozvoli broj: UP-I 05/2-02-19-5-17/20 od 23.11.2020 godine izdato od strane Federalnog ministarstva okoliša i turizma,
- Informacije od Sektora za realizaciju investicionih projekata AVP Sava o korekcijama Glavnog projekta - Spreča od izvednog dijela do ušća Jale,
- Dokaz o uplati administrativne takse.

B-tehnička dokumentacija:

- Studija za izdavanje prethodne vodne saglasnosti zasanaciju kosina taložnica „Bijelo more“ (taložnice I, II i III) urađena od strane „TQM“ d.o.o. Lukavac, mart 2023 godine.
- Usaglašavanje projektne dokumentacije Glavnog projekta sanacije taložnica Bijelo more 1, 2 i 3 sa revidovanom dokumentacijom „Uređenje korita rijeke Spreče u Lukavcu“ urađen od strane Rudarski institut d.d. Tuzla, februar 2023 godine

Nakon izvršenog uvida u dostavljeni zahtjev i priloženu dokumentaciju da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu informacija dobivenih od strane Sektora za realizaciju projekata (Sektor 30) ove Agencije, da je u toku izrada i revizija projektne dokumentacije regulacije rijeke Spreče na predmetnoj dionici našim aktom broj: UP-1/21-1-40-536-3/22 od 12.10.2022 godine podnosilac zahtjeva je obavješten o istom.

Navedena izrada i revizija se odnosi na: Glavni projekat „Korekcija novelacije Glavnog projekta: Uređenje korita rijeke Spreče u Lukavcu na potezu od izvedenog dijela do ušća Jale faza III (dionica 3) i Glavni projekat „Korekcija novelacije Glavnog projekta: Uređenje korita rijeke Spreče u Lukavcu na potezu od izvedenog dijela do ušća Jale urađeni od strane JP za vodoprivrednu djelatnost SPREČA d.d. Tuzla i revidovani od strane Rudarski institut d.d. Tuzla

Zbog blizine rijeke Spreče u navedenom našem aktu je traženo da je potrebno izvršiti usaglašavanje Glavnog projekta sanacije nasipa Taložnice „Bijelo more 1,2,3“, urađen od strane Rudarskog instituta d.d. Tuzla, 2018. godine kao i Studije dostavljenom uz zahtjev za izdavanje predhodne vodne saglasnosti sa navedenim projektima.

Aktom broj: UP-1/21-1-40-536-5/22 od 22.11.2022 godine podnosilac zahtjeva je obaviješten da je završena izrada i revizija projektne dokumentacije regulacije rijeke Spreče na predmetnoj dionici te da se izvrši traženo usklađivanje navedene projektne dokumentacije. Usaglašenu Studiju je potrebno dostaviti kako bi se nastavio postupak rješavanja zahtjeva za izdavanje predhodne vodne saglasnosti za sanaciju nasipa taložnice „Bijelo more“ br. 1, 2, 3.

S obzirom da je prošlo dovoljno dugo vremena i da nije dostavljena Studija aktom broj: UP-1/21-1-40-536-6/22 od 09.02.2023 godine je traženo da se ista dostavi u roku od 20 (dvadeset) dana od uredno zaprimljenog zahtjeva. Dana 10.03.2023 godine dostavljena je tražena dokumentacija.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 17.03.2023. obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i 18.03.2023 godine u dnevnom glasilu „OSLOBOĐENJE“. U datom roku nije bilo pisanih izjašnjenja o predloženim aktivnostima iz zahtjeva. Podnosilac zahtjeva je uplatio i posebne troškove shodno Zaključku ove Agencije broj: UP-1/21-1-40-536-9/22 od 29.03.2023. godine, nastale oglašavanjem u dnevnom listu „Oslobođenje“ (rn. br. 1039-104000-1).

U provedenom postupku konstatovano je slijedeće:

Taložnice Bijelo more čine otpadni materijali koji se odlažu a koji sadrže: talog od pročišćavanja sode sa kaustičnim talogom, talog pripreme kotlovske vode sa sitnim otpatkom gašenja kreča i otpadna lužina desilacije.

Studija dostavljena uz zahtjev je usaglašena sa projektnom dokumentacijom regulacije rijeke Spreče na predmetnom području kao i sa postojećom projektnom dokumentacijom koja se odnosi na sanaciju nasipa taložnica „Bijelo more“ (taložnice I, II i III).

Taložnice I, II i III koje su u fazi sanacije se nalaze sa lijeve strane magistralne ceste M4 Tuzla-Doboj i desne strane rijeke Spreče koja ima zaobilazni tok oko jugoistočne i sjeverozapadne strane taložnica na udaljenosti 7-15 m. Udaljenost od Lukavačke rijeke iznosi cca 26,25 m i od jezera Modrac je cca 2,8 km. Nadmorska visina projektovane krune taložnica I, II i III je max. 197,93 m.n.m. Pristup radovima je omogućen preko interne saobraćajnice za deponiju koja izlazi na magistralni put M4 Tuzla-Doboj.

Sanacija nasipa postojećih taložnica „Bijelo more“ (taložnice I, II i III) je pokrenuta nakon incidentnog pucanja taložnice broj IV, s ciljem postizanja sigurnosnog aspekta i onemogućavanja sličnih incidentnih situacija. Elaboratom o analizama stabilnosti sve 4 taložnice, Bijelog mora u Lukavcu, izrađenog u junu 2018 godine dat je prijedlog sanacije odnosno sanacione mjere koje se sastoje u izradi ojačanja vanjske strane i to nožičnog dijela nasipa crnom šljakom uz izradu drenažnog tepiha od drobljenog kreča.

Uvidom u predmetnu projektovanu sanaciju kosina taložnica Bijelo more I, II i III u odnosu na prostorni položaj rijeke Spreče, nasipi koji će se izvoditi u funkciji ojačanja taložnica se nalaze unutar vodnog dobra rijeke Spreče tj. na udaljenosti manjoj od 15 m duž jugoistočne i jugozapadne strane. Planirana aktivnost spada u zahvate dozvoljene unutar vodnog dobra po članu 12. stav (1) tačka 6. Zakona o vodama, jer se radi o objektu za zaštitu od zagađenja.

Kota terena lokaliteta planiranih bušotina se kreće od cca 182,85 (donja nožica projektovanog ojačanog nasipa taložnice) do 194 m n.m (kruna nasipa kosine projektovanog ojačanja nasipa taložnice).

Predviđena su dva načina sanacije ovisno o raspoloživom prostoru za izradu ojačanja, od miješanog kamenog i zemljanog materijala (jalovina od kamenoloma) te od mješavine Bijelog i Crnog mora u odnosu 50/50 –prema recepturi VIII izrađenoj od strane GIT d.o.o. Tuzla.

Nadvišenje treba izvesti na način da se uradi zasjecanje pokosa, te proširenje i nadvišenje trupa nasipa uz korištenje glinovitog materijala i prelaganjem upotrebljivog materijala dobivenog iz zasjecanja nasipa.

Nakon uvida u dostavljenu dokumentaciju konstatovano je da sa aspekta sektora voda ne postoje smetnje da se Investitoru izda tražena prethodna vodna saglasnost uz propisane uslove, pa je riješeno kao u dispozitivu rješenja.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama i odredbama Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je Investitor dužan ispuniti prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje, te je doneseno rješenje kao u dispozitivu.

Uputa o pravnom lijeku:


Protiv ovog rješenja može se uložiti posebna žalba Federalnom ministarstvu poljoprivrede, vodoprivrede i šumarstva Sarajevo u roku od 15 dana od dana prijema ovog rješenja.

Žalba se predaje Agenciji za vodno područje rijeke Save (ul. Hamdije Čemerlića 39.a Sarajevo), neposredno pismeno, usmeno na zapisnik ili preporučeno putem pošte. Žalba se taksira sa 15 KM federalnih taksi po Tar. br. 3. tarife federalnih administrativnih taksi.

Obradivač akta: Behija Ahmedić, dipl.inž.tehn.

Po ovlaštenju

Rukovodilac sektora za izdavanje vodnih akata


Haris Ališehović, dipl.inž.građ.

Prilog: Usaglašavanje projektne dokumentacije Glavnog projekta sanacije taložnica Bijelo more 1, 2 i 3 sa revidovanom dokumentacijom „Uređenje korita rijeke Spreče u Lukavcu“ urađen od strane Rudarski institut d.d. Tuzla, februar 2023 godine

Dostaviti:

- «SISECAM SODA LUKAVAC» d.o.o. Lukavac, Prva ulica br.1, Lukavac (sa prilogom)
- Ⓞ AVP Sava, ISV-vodna knjiga – ovdje;
- Arhiva – ovdje;
- AVP Sava – Oglasna ploča